

O exame consta de catro preguntas obrigatorias, de 5, 1, 2 e 2 puntos, respectivamente, as dúas primeiras con resposta única e as dúas restantes con posibilidade de elección entre apartados.

PREGUNTA 1. COMPRENSIÓN E INTERPRETACIÓN DE TEXTOS. (5 puntos)**CONTEXTO:**

A do Golfo de Guinea é, nestes momentos, a zona marítima máis perigosa do mundo. O 90% dos ataques de piratas a embarcacións que ocorreron no planeta no ano pasado foron nesa lámina de auga. (...) Non esquezamos que esa zona ten unha importancia vital para o comercio mundial (...) e para as vías de transporte das materias primas. (...) Cal é o perfil dun pirata no Delta do Níxer? Pois é o dun mozo con pouca formación, que xeralmente vén doutras formas de delincuencia ás que o Estado nixeriano foi poñendo límite. (...) Nas zonas en que se atacou a venda de petróleo ilegal, o refinado de cru roubado ou calquera negocio ilícito vinculado ao petróleo, aí é onde os mozos "canalizaron as súas enerxías" cara á piratería. (...) O bo goberno é a receita fundamental para acabar coa piratería, o desenvolvemento das zonas do Delta do Níxer para que estes mozos poidan aspirar a un emprego digno sen ter a necesidade de recorrer á delincuencia. (Adaptado e traducido de José Segura Clavell: "Piratas del siglo XXI", eldiario.es, 13/05/2021)

Un compañeiro vénlle con esta noticia, pero vostede quere facerlle ver que a piratería existiu desde a antigüidade. Como proba, atopa este texto que narra como os romanos se enfrontaron á piratería nun determinado momento. Antes de explicarllo, ha de demostrar que vostede o comprendeu, o cal pode facer mediante unha destas dúas maneiras: **traducindo o texto ou ben respondendo, en latín, as cinco cuestións derivadas do texto. (5 puntos)**

TEXTO:

Dum haec geruntur, piratae omnia maria infestabant ita, ut Romanis toto orbe victoribus sola navigatio tuta non esset. Quare id bellum Cn. Pompeio decretum est. Quod intra paucos menses ingenti et felicitate et celeritate confecit.

CUESTIÓNS:

1. Erantne multi piratae mari an non?
2. Cur Romanis sola navigatio tuta non erat?
3. Quis bellum contra piratas gessit?
4. Bellum contra piratas fuit longumne an breve?
5. Quomodo bello contra piratas finis factus est?

PREGUNTA 2. COMPRENSIÓN E INTERPRETACIÓN DE TEXTOS. (1 punto)

Analice **morfolóxica e sintacticamente** este fragmento do texto anterior: **(1 punto)**

Dum haec geruntur

PREGUNTA 3. LATÍN E PLURILINGÜISMO. (2 puntos)

Responda un destes dous apartados:

3.1. Sinale o prefixo de orixe latina e explique que significado achega en cada unha das seguintes palabras: "anteface", "discordancia", "intravenoso", "perdurar", "transexual". **(2 puntos)**

3.2. Explique o significado das seguintes expresións latinas e utilíceas nun exemplo adecuado: "ad hoc", "conditio sine qua non", "lato sensu", "mutatis mutandis", "statu quo". **(2 puntos)**

PREGUNTA 4. A LITERATURA LATINA NOS SEUS TEXTOS. (2 puntos)

Responda un destes dous apartados:

4.1. Sintetice os principais datos da obra historiográfica de Tito Livio. **(2 puntos)**

4.2. Sintetice as principais características da comedia plautina. **(2 puntos)**